

ԼՈՒՍԱՎՈՐՈՒԹՅԱՆ ԵՎ ԿՐԹՈՒԹՅԱՆ ՀԱՐՑԵՐԸ «ՆՈՐ - ԴԱՐ» ԼՐԱԳՐՈՒՄ

«Նոր - դար» լրագիրը որպես երկար ժամանակ գործող պարբերական, մեծ դեր է խաղացել հայ մշակույթի և նրա անբաժան մասը կազմող դպրոցի և մանկավարժական մտքի զարգացման գործում: Թերթը մեծ տեղ է հատկացրել դպրոցական գործին, ուսուցչին: Թերթը գտնում էր, որ ուսուցչի պարտականությունն է օգնել հայ ժողովրդին հասնելու քաղաքակիրթ աստիճանի, պայքարելու հայ հասարակական կյանքում բռնակալական ժամանակներից մնացած վատ սովորությունների դեմ, հայ կանանց ուսուցանել հոգևոր հարստությունները պահպանելու գաղտնիքը: Կրթության միակ չափանիշը «Նոր - դարը» համարում էր մասսայականությունը, իսկ դպրոցի ուղղության հիմնական ելակետը՝ ազգային ոգին: Թերթը մեծ տեղ է հատկացրել աշխարհով մեկ սփռված հայության, ուշադրության կենտրոնում էին հատկապես Թուրքիայի և Պարսկաստանի հայերը: Թերթը տեսնում էր այն վայրագությունները, որ կատարվում էին Թուրքիայում:

Սուլթանական Թուրքիան հալածում, բանտարկում և աքսորում էր հայ ուսուցիչներին, դասագրքերում և մամուլում արգելում Հայաստան բառի գործածումը: Այս քաղաքականությունը բացասաբար է անդրադառնում ժողովրդի գրագիտության վրա: Առանց այն էլ ժողովուրդը խարխալում է տգիտության և խավարի մեջ: Եղած դպրոցներն էլ քարվոք վիճակում չեն: Ուսուցիչները հեռանում են դպրոցներից, որովհետև նրանց համար ամենատարրական պայմաններն անգամ չկան: Վարժարաններում տիրապետում են խառնականությունները, աշակերտները կռվում են ուսուցիչների հետ, պայքար է գնում ուսուցիչների ու տեսուչների միջև:

«Գավառական հոգաբարձուք» հոդվածը լուսաբանում է հայկական դպրոցների վիճակը: Գավառական հոգաբարձուները, մեծամասամբ տգետ մարդիկ էին, որ ոչ մի կապ ունենալով մանկավարժության հետ, տնօրինում էին վերջիններիս ճակատագիրը, ուսուցիչներ էին ընտրում և արձակում, վանքապատկան գումարները ծախսում էին ցանկացած ձևով: Սակայն չարժե խտացնել գույները, որովհետև կային մի շարք հայտնի դպրոցներ և վարժարաններ: Օրինակ՝ Ներսիսյան դպրոցը, Սանասարյան վարժարանը, Թավրիզի ուսուցչական խումբը:

Թերթը 1888 թվականին հայկական դպրոցների նոր կանոնադրության առիթով արձանագրում է. «Հայ ուսուցչի դրությունը երբեք լավ եղած չէ, բայց

վերջացավ թեմական տեսչությունը, ուսուցչի միակ ձեռնահաս պաշտպանը, նոր դրությունը ավելի վատթարացավ, և գրեթե անտանելի դարձավ: Ուսուցիչների բարոյական և նյութական ապահովության հարցերը մնում էին թերթի օրակարգում մաս հետագա տարիներին:

Հայտնի է, որ հայահալած քաղաքականությունը ցարիզմն ավելի խորացրեց 19-րդ դարի 90-ական թվականներին: Սա առաջին հերթին հարվածում էր հայ դպրոցին:

«Նոր - դարը» հայ իրականության մեջ առաջիններից մեկն էր, որ հասկացավ ցարական կառավարության 1889 թվականի հրահանգի միտումնա-վորությունն այն է, հայկական դպրոցներում ուսուցչություն անելու իրավունք պիտի ստանային այն անձինք միայն, ովքեր ուսուցչական ցենզ¹ արտոնություն էին ստացել կառավարման հատուկ հանձնաժողովի կողմից: Ժամկետն անց-նում էր, իսկ ցենզավոր ուսուցիչների պատճառով շատ հայկական դպրոցներ փակվում էին: Կաթողիկոսը 1894 թվականին կառավարությունից մեկ տարի էլ պահանջեց: Չմերժեցին, քանի որ այդ մեկ տարին էլ ոչինչ չէր ավելացնելու հայ անդիպլոմ վարժապետների մի սովոր բանակի գիտելիքների վրա: Թերթը շտապեցնում էր, թե հոգալ է պետք, որ մի քանի ամսում շատ ուսուցիչներ կարողանան հաջող քնություն հանձնել և վկայական ստանալ: Բայց մինչև խորմայնը խնդրանք էր ներկայացնում իշխանություններին՝ երկարաձգելու ցենզի հարցը, Կովկասի կառավարչապետ Շերեմետևը, ստուգելով հայ եկեղեցական ծխական դպրոցների գոյության աղբյուրները հայտարարում էր, թե դրանք չեն համապատասխանում 1884 թվականի փետրվարի 16-ի կանոննե-րին, որովհետև դրանց մեծ մասը պահվում են ոչ թե եկեղեցիների եկամուտ-ների հաշվին, այլ գյուղական հասարակության: Նա պնդում էր, որ դրանք կամ պետք է հանձնել ուսումնական վարչությանը, կամ էլ պիտի փակել: Ծրագրավորվող սահմանափակումներն այլ նպատակ էին հետապնդում: 1896 թվականին կառավարությունը փակեց ծխական դպրոցները, 203-ից թողնելով միայն 28-ը: Հաջորդ տարի մնացածներն էլ հանձնվեցին ժողովրդական լուսավորության մինիստրության տնօրինությանը, այսինքն՝ պետական վերա-հսկողություն էին սահմանում դասավանդվող առարկաների և ծրագրերի վրա, խիստ կրճատվում էին հայոց պատմության, աշխարհագրության և նույնիսկ կրոնի դասաժամերը¹:

Թերթը տպագրեց այս հրամանը, չկարողանալով այլ բան գրել: Թերթի գործիչներն ավելի վճռական քայլերի չէին կարող դիմել, որովհետև ցարական

¹ Վ.Ս.Երկանյան, Պայքարն հայկական նոր դպրոցի համար Անդրկովկասում (1870-1905), Երևան, 1970:

ռեակցիայի տարիներին ամենափոքրիկ առիթով փակվում էին լրագրերը, հարյուրավոր հողվածներ գրչի մեկ հարվածով հանվում էին թերթի էջերից:

«Նոր - դարը» գերադասում էր լռել ու հարմար առիթի դեպքում իր վրդովմունքն ու զայրույթը հասցնել ընթերցողներին:

Թերթը բացահայտում էր հայ դպրոցի ներքին կյանքում, ուսման բովանդակության, ուսուցման կազմակերպման ձևերի ու մեթոդների հարցում տեղ գտած թերությունները: Թերթը չնայած չի ողջունել աղջիկների ուսումը, այնուամենայնիվ, չի զլացել իր էջերում տեղ հատկացնել այդ հարցը շոշափող հողվածներին: Աղ.Պետրոսյանը պարբերաբար նյութեր է տպագրում աղջիկների և ընդհանրապես ուսումնական հարցերի, դպրոցների մասին: «Աղջկանց կրթությունը» հողվածը նա սկսում է ժյուլ Սիմոնի խոսքերով. «Տղային կրթության տալն այնքան մեծ նշանակություն չունի, որքան աղջկանը, որովհետև կրթելով տղային, կրթում է մի միայն մի մարդու, իսկ կրթելով աղջկան՝ դուք կրթում եք մի ամբողջ ընտանիք»²: Պետրոսյանը նշում է, որ Հայաստանի գավառական քաղաքներում, առհասարակ, շատ քիչ են ուշադրություն դարձնում աղջիկների կրթության վրա: Նա փորձում է տալ երևույթի պատճառը. «Այդպիսի անտարբերությունը դեպի աղջկանց կրթությունը ծագում է նրանից, որ մեր հասարակությունը շատ վայրենի հասկացողություն ունի կրթության մասին: Ծնողներն աղջկանց երկար ուսում տալու սկզբունքը ավելորդ են համարում, ի նկատի առնելով այն հանգամանքը, թե «մեզ ինչ, որ ուսում առավ մեր աղջիկը, էսօր - էգուց մարդու է գնալու»: Հենց դրա համար էլ նրանք աշխատում են կարելուցն չափ քիչ փող «փչացնել» իրենց աղջկա կրթության և դաստիարակության համար, որովհետև այն աղջիկը, որի կրթության համար ծնողները պետք է փող ծախսեն, մարդու գնալով՝ ուսումը իր հետ տանում է ուրիշի տուն, իսկ կար ու ձևի վրա ավելի ակոթածակով են ուշադրություն դարձնում, որովհետև աղջիկները մինչև մարդու գնալն իրենց ծնողների համար են աշխատում»³:

Այդ հողվածին խմբագրությունը գրում է հետևյալ պատասխանը. «Կարծես թե աղջիկը մարդու գնալով, կար ու ձևը նրան էլ պետք չէ, կարծես թե աղջիկը մի որևէ դպրոցում ուսում ստանալով, դա լավ մայր լինելու գրավական է: Որոշ չափով ուսումն անհրաժեշտ է, իհարկե, ինչպես և կրթությունը, բայց ինչպե՞ս և ի՞նչ կրթություն. այդ է խնդիրը և մեկ էլ այն, թե որտեղ են ծախսում այդ կրթությունը»⁴:

Հաջորդ համարում Աղ. Պետրոսյանը գրում է. «Հենց դրա համար էլ

² «Նոր - դար», 1899, N 203:

³ «Նոր - դար», 1899, N 203:

⁴ «Նոր - դար», 1899, N 205

նրանք աշխատում են, որ կարելուցն չափ քիչ փող «փչացնեն» իրենց աղքատ կրթության և դաստիարակության համար, որովհետև «այն աղքիկը, որի կրթության համար ծնողները պիտի փող ծախսեն, մարդու զնալով՝ ուսումը յուր հետ տանում է ուրիշի տուն, իսկ կար ու ծկի վրայ ավելի ախորժակով են ուշադրություն դարձնում, որովհետև աղքիկները մինչև մարդու զնալն իրենց ծնողների մոտ են աշխատում: Ահա այդ է պատճառը, որ այդպիսի մօր երեխաներն առաջին անգամ մտնելով ուսումնարան, ցույց են տալիս այնպիսի ոչ ցանկալի կողմեր, որոնք միայն յատուկ են կոպիտ և անուշ ծնողների երեխաներին: Եվ այդ ամենի մեջ մեղավոր են հանդիսանում ծնողները, որոնք, իրենց նեղ «ես»-ն ազգի առաջ ունենալով զոհ են բերում իրենց աղքատաց մտավոր և բարոյական ուժերը, այն աղքատաց՝ որոնք ապագայում պիտի լինեն մայրեր, բայց այժմ զրկուած են մայրական պատրաստութենից երեխայի կրթության վերաբերյալ: Լաւ կրթուած մօր երեխան երեսը պարզ կարող է կրկնել մանկավարժական այն աֆորիմը, որ ասում է «ես մանուկ հասակում մօրիցս սովորեցի այնքան, որքան չի կարող սովորել բնագէտը մինչև իւր խորին ծերութիւնը»: Սակայն ի՞նչ ասէ այն երեխան, որի մէջ հէնց առաջին տարիներում արմատացել են մարդկային բնութեան ամենատխրալի յատկութիւնները: Այդպիսի երեխաները կլինեն մի մարմանացած նխատիւնք, դէպի իրենց պապերի անսահման եսականութիւնը, որը զրկել է իրենց մօրը կրթութիւնից և խեղտել է նրա բարոյականության և այլ չարժանիքները:

Ծնողներն իրենց «ես»-ի շահերին երկրպագելով, բարձր են թողնում մի պարտականութիւնը, որ մի ամօթալի կնիք է դնում ապագայ սերնդի վրայ: Այդպիսի մարդկանց, հարկավոր է կանգ առնել, և ասել՝ «յո յերթաս»⁵:

Վրա է հասնում 1896 թվականը, երբ փակվում են ազգային – ծխական դպրոցները, հետապնդվում են բարեգործական ընկերությունները, 1903 թվականին բռնագրավվում է եկեղեցապատկան գույքը: Հայկական դպրոցները, կառավարությունը փակում է այն պատրվակով, որ դրանք պահվում են ոչ թե եկեղեցիների միջոցներով, ինչպես նախատեսված էր Պոլոժենիեի համապատասխան հոդվածով, այլ հայ հասարակությունից զանձվող գումարներով: Իր հաշվետվության մեջ Յանկովսկին հրատարակում է կառավարչապետության կողմից անցկացված ստուգման արդյունքները, որից պարզվել էր, որ հայկական դպրոցներից միայն 22 են պահվում եկեղեցու հասոյթներով: Հրահանգի համաձայն, կաթողիկոսը պետք է կարգադրեր դպրոցները հանձնելու ուսումնական իշխանության իրավասությանը: Այդ կարգադրությունը չի արվում և գրեթե բոլոր դպրոցները փակվում են:

⁵ «Նոր – դար», 1899, N 208